



Republika e Kosovës
Republika Kosova-Republic of Kosovo
Qeveria - Vlada - Government

Nr. 04/116

Datë: 16.11.2016

Qeveria e Republikës së Kosovës, në mbështetje të nenit 92 paragrafi 4 dhe të nenit 93 paragrafi (4) të Kushtetutës së Republikës së Kosovës, duke u bazuar në nenin 4 të Rregullores nr. 02/2011 për Fushat e Përgjegjësisë Administrative të Zyrës së Kryeministrit dhe Ministrive, e ndryshuar dhe plotësuar me Rregulloren nr. 07/2011, dhe të nenit 19 të Rregullores së Punës së Qeverisë së Republikës së Kosovës nr. 09/2011, në mbledhjen e mbajtur më 16 nëntor 2016, nxjerr këtë:

V E N D I M

PËR THEMELIMIN E GRUPEVE PUNUESE SEKTORIALE DHE GRUPEVE PUNUESE NËN-SEKTORIALE PËR KOORDINIMIN E DONATORËVE TË JASHTËM

Neni 1
Qëllimi

Qëllimi i këtij vendimi është themelimi i Grupeve Punuese Sektoriale (GPS) dhe Grupeve Punuese Nën-Sektoriale (GPNS) në kuadër të GPS, për koordinimin e donatorëve të jashtëm në Republikën e Kosovës, si dhe përcaktimi i institucioneve pjesëmarrëse dhe udhëheqëse, për të zbatuar Rregulloren Nr. 09/2015 për Koordinimin e Asistencës së Donatorëve të Jashtëm në Republikën e Kosovës.

Neni 2

Emërtimi, përbërja e përhershme, kryesimi dhe bashkëkryesimi i Grupeve Punuese Sektoriale dhe Grupeve Punuese Nën-Sektoriale.

Themelohen grupet punuese sektoriale si në vijim:

- 2.1. Qeverisja;
- 2.2. Sundimi i ligjit;
- 2.3. Bujqësia dhe zhvillimi rural;
- 2.4. Infrastruktura;
- 2.5. Ekonomia, tregtia dhe industria;
- 2.6. Kapitali njerëzor.

Në përputhje me Rregulloren Nr. 09/2015 për Koordinimin e Asistencës së Donatorëve të Jashtëm në Republikën e Kosovës, Zyra e Kryeministrit, Ministria e Financave dhe Ministria e Integritimit Evropian janë anëtarë të përhershëm të të gjitha grupeve punuese sektoriale.

Të gjitha grupet punuese sektoriale kryesohen nga Sekretari i Përgjithshëm i institucionit që përcaktohet me këtë vendim si udhëheqës i sektorit dhe bashkëkryesohen nga Sekretari i Përgjithshëm i Ministrisë së Integritimit Evropian.

Të gjitha grupet punuese nën-sektoriale kryesohen nga përfaqësuesit e Departamenteve për Integrim Evropian dhe Koordinimin e Politikave në kuadër të ministrive apo zyrtarëve përkatës në rastet e institucioneve të pavarura që me këtë vendim përcaktohen si udhëheqëse të nën-sektorit.

Neni 3 GPS Qeverisja

GPS Qeverisja kryesohet nga Zyra e Kryeministrit dhe përfshinë: Kuvendin e Kosovës, Komisioni Qendror i Zgjedhjeve, Ministria e Administratës Publike (duke përfshirë Institutin e Kosovës për Administratë Publike), Ministria e Financave (duke përfshirë Doganat e Kosovës dhe Administratën Tatimore të Kosovës), Ministrinë e Administrimit të Pushtetit Lokal, Agjencinë e Statistikave të Kosovës.

Në kuadër të GPS Qeverisja, do të funksionojnë këto grupe punuese nën-sektoriale:

- 3.1. Reforma e administratës publike – kryesuar nga Ministria e Administratës Publike;
- 3.2. Menaxhimi i financave publike – kryesuar nga Ministria e Financave.

Neni 4 GPS Sundimi i Ligjit

GPS Sundimi i ligjit kryesohet nga Ministria e Drejtësisë dhe përfshin: Agjencinë për Menaxhimin e Pasurisë së Sekuestruar dhe Konfiskuar, Shërbimin Korrektues të Kosovës dhe Shërbimin Sprovues të Kosovës në kuadër të Ministrisë së Drejtësisë, Këshillin Gjyqësor të Kosovës, Këshillin Prokurorial të Kosovës, Institutin Gjyqësor të Kosovës, Ministria e Punëve të Brendshme (duke përfshirë Inspektoratin Policor të Kosovës, Policia e Kosovës, Akademia e Kosovës për Siguri Publike, Agjencia e Regjistrimit Civil, Agjencia e Menaxhimit të Emergjencave dhe Agjencia Kosovare e Forenzikës), Ministria për Komunitete dhe Kthim, Komisioni i Pavarur i Medieve, Agjencia kundër Korrupsionit, Avokati i Popullit, Agjencia për Barazi Gjinore, Zyra për Qeverisje të Mirë dhe Zyra për Çështje të Komuniteteve në kuadër të Zyrës së Kryeministrit.

Në kuadër të GPS Sundimi i ligjit, do të funksionojnë këto grupe punuese nën-sektoriale:

- 4.1. Drejtësia – kryesuar nga Ministria e Drejtësisë;
- 4.2. Punët e brendshme – kryesuar nga Ministria e Punëve të Brendshme;
- 4.3. Të drejtat e njeriut dhe komuniteteve – kryesuar nga Zyra për Qeverisje të Mirë (Zyra e Kryeministrit)

Neni 5 GPS Bujqësia dhe Zhvillimi Rural

GPS Bujqësia dhe zhvillimi rural kryesohet nga Ministria e Bujqësisë, Pylltarisë dhe Zhvillimit Rural dhe përfshin Agjencinë e Ushqimit dhe Veterinarisë në kuadër të Zyrës së Kryeministrit, si dhe Ministrinë e Mjedisit dhe Planifikimit Hapësinor.

Në kuadër të GPS Bujqësia dhe zhvillimi rural, do të funksionojnë këto grupe punuese nën-sektoriale:

- 5.1. Bujqësia dhe zhvillimi rural – kryesuar nga Ministria e Bujqësisë, Pylltarisë dhe Zhvillimit Rural;
- 5.2. Pylltaria dhe peshkataria-kryesuar nga Ministria e Bujqësisë, Pylltarisë dhe Zhvillimit Rural;
- 5.3. Siguria e ushqimit – kryesuar nga Agjencia e Ushqimit dhe Veterinarisë.

Neni 6 GPS Infrastruktura

GPS Infrastruktura kryesohet nga Ministria e Zhvillimit Ekonomik dhe përfshinë: Zyrën e Rregullatorit të Energjisë, KEK, Agjencinë e Kosovës për Eficiencë të Energjisë, Agjencia e Shoqërisë së Informacionit, Ministria e Infrastrukturës, Autoriteti Rregullativ i Hekurudhave, Autoriteti i Aviacionit Civil, Infrastruktura e Hekurudhave të Kosovës Sh.A "INFRAKOS", Trainkos Sh.A, Ministria e Mjedisit dhe Planifikimit Hapësinor përfshirë në kuadër të saj Agjencinë për Mbrojtjen e Mjedisit të Kosovës, Institutin Hidrometeorologjik të Kosovës, Institutin për Planifikim Hapësinor dhe Ministrinë e Bujqësisë, Pylltarisë dhe Zhvillimit Rural.

Në kuadër të GPS Infrastruktura, do të funksionojnë këto grupe punuese nën-sektoriale:

- 6.1. Energjia – kryesuar nga Ministria e Zhvillimit Ekonomik;
- 6.2. Teknologjia e informimit dhe komunikimit – kryesuar nga Ministria e Zhvillimit Ekonomik dhe bashkëkryesuar nga Agjencia e Shoqërisë së Informacionit (MAP);
- 6.3. Transporti hekurudhor – kryesuar nga Ministria e Infrastrukturës;
- 6.4. Transporti rrugor – kryesuar nga Ministria e Infrastrukturës;
- 6.5. Aviacion civil – kryesuar nga Ministria e Infrastrukturës;
- 6.6. Mjedişi dhe ndryshimet klimatike – kryesuar nga Ministria e Mjedisit dhe Planifikimit Hapësinor;
- 6.7. Planifikimi hapësinor, banimi dhe ndërtimi – kryesuar nga Ministria e Mjedisit dhe Planifikimit Hapësinor.

Neni 7 GPS Ekonomia, tregtia dhe industria

GPS Ekonomia, tregtia dhe industria kryesohet nga Ministria e Tregtisë dhe Industrisë dhe përfshinë: Ministrinë e Bujqësisë, Pylltarisë dhe Zhvillimit Rural, Ministrinë e Zhvillimit Ekonomik, Autoritetin Kosovar të Konkurrencës, Ndhimën Shtetërore, si dhe Administratën Tatimore dhe Doganat në kuadër të Ministrisë së Financave.

Në kuadër të GPS Ekonomia, tregtia dhe industria, do të funksionojnë këto grupe punuese nën-sektoriale:

- 7.1. Tregu i brendshëm, doganat dhe konkurrenca – kryesuar nga Ministria e Tregtisë dhe Industrisë;
- 7.2. Politikat industriale – Ministria e Tregtisë dhe Industrisë;
- 7.3. Zhvillimi i ndërmarrjeve të vogla dhe të mesme, promovimi i investimeve, eksportit dhe turizmit – Ministria e Tregtisë dhe Industrisë.

Neni 8
GPS Kapitali Njerëzor

GPS Kapitali njerëzor kryesohet nga Ministria e Punës dhe Mirëqenies Sociale dhe institucionet e saj vartëse, dhe përfshinë: Ministrinë e Arsimit, Shkencës dhe Teknologjisë duke përfshirë Agjencinë e Kosovës për Akreditim, Agjencinë për Arsim dhe Aftësim Profesional dhe Arsimin e të Rriturve, Autoritetin Kombëtar të Kualifikimeve, Ministrinë e Shëndetësisë duke përfshirë Agjencinë për Financimin e Shëndetësisë, Agjencinë për Produkte dhe Pajisje Mjekësore, Institutin Kombëtar të Shëndetësisë Publike, Inspektoratin Shëndetësor dhe Ministrinë e Kulturës, Rinisë dhe Sportit.

Në kuadër të GPS Kapitali njerëzor, do të funksionojnë këto grupe punuese nën-sektoriale:

- 8.1. Arsimi, aftësitë profesionale dhe trajnimet - kryesuar nga Ministria e Arsimit, Shkencës dhe Teknologjisë;
- 8.2. Arsimi i lartë dhe hulumtimet - kryesuar nga Ministria e Arsimit, Shkencës dhe Teknologjisë;
- 8.3. Arsimi para-universitar - kryesuar nga Ministria e Arsimit, Shkencës dhe Teknologjisë;
- 8.4. Punësimi dhe tregjet e punës - kryesuar nga Ministria e Punës dhe Mirëqenies Sociale;
- 8.5. Përfshirja sociale, ulja e varfërisë dhe mundësitë e barabarta - kryesuar nga Ministria e Punës dhe Mirëqenies Sociale;
- 8.6. Kultura dhe trashëgimia kulturore - kryesuar nga Ministria e Kulturës, Rinisë dhe Sportit;
- 8.7. Sporti - kryesuar nga Ministria e Kulturës, Rinisë dhe Sportit;
- 8.8. Rinia - kryesuar nga Ministria e Kulturës, Rinisë dhe Sportit;
- 8.9. Shëndeti publik - kryesuar nga Ministria e Shëndetësisë.


Neni 9

Funksionimi dhe përgjegjësitë e Grupeve Punuese Sektoriale dhe Grupeve Punuese Nën-sektoriale.

Funksionimi dhe përgjegjësitë e Grupeve Punuese Sektoriale Grupeve Punuese Nën-sektoriale janë të rregulluara sipas Rregullores Nr. 09/2015 për Koordinimin e Asistencës së Donatorëve të Jashtëm në Republikën e Kosovës dhe akteve normative të lëshuara në funksion të zbatimit të saj nga Ministria e Integritimit Evropian.

Neni 10
Hyrja në fuqi

Vendimi hyn në fuqi në ditën e nënshkrimit.

Isa MUSTAFA

Kryeministër i Republikës së Kosovës

Iu dërgohet:

- Zëvendëskryeministrave
- të gjitha ministrave (ministrave)
- Sekretarit të Përgjithshëm të ZKM-së
- Arkivit të Qeverisë